



UNDANG-UNDANG MALAYSIA

Akta A1095

AKTA PERLEMBAGAAN (PINDAAN) 2001

Tarikh Persetujuan Diraja 8 Januari 2001

Tarikh diterbitkan dalam *Warta* ... 11 Januari 2001



Hakcipta Pencetak (H)

PERCETAKAN NASIONAL MALAYSIA BERHAD

Semua Hak Terpelihara. Tiada mana-mana bahagian jua daripada penerbitan ini boleh diterbitkan semula atau disimpan di dalam bentuk yang boleh diperolehi semula atau disiarkan dalam sebarang bentuk dengan apa jua cara elektronik, mekanikal, fotokopi, rakaman dan/ atau sebaliknya tanpa mendapat izin daripada Percetakan Nasional Malaysia Berhad (Pencetak kepada Kerajaan Malaysia yang dilantik).

AKTA ...
Suatu Akta untuk
mengadakan perlembagaan
Putrajaya dan ...
termasuk perlembagaan

BAHAWASANYA
20 Julai 1995 ...
bagi pemberian ...
Daerah Sepang ...
Persekutuan ...
dan bagi ...

DAN BAHAWASANYA
bersetuju, ...
2000, bahawa ...
palm diletakkan ...
yang akan ...

MAKA OLEH ...
Parlimen Malaysia

Tajuk ringkas ...
1. (1) Akta ...
2001

UNDANG-UNDANG MALAYSIA**Akta A1095****AKTA PERLEMBAGAAN (PINDAAN) 2001**

Suatu Akta untuk meminda Perlembagaan Persekutuan untuk mengadakan peruntukan bagi penubuhan Wilayah Persekutuan Putrajaya dan bagi perkara-perkara yang berkaitan dengannya, termasuk perubahan sempadan Negeri Selangor.

[01.02.2001]

BAHAWASANYA Persekutuan dan Negeri Selangor telah, pada 20 Julai 1995, membuat perjanjian yang mengadakan peruntukan bagi pemberian untuk selama-lamanya suatu kawasan di dalam Daerah Sepang di Negeri Selangor oleh Negeri Selangor kepada Persekutuan bagi kegunaan sebagai Pusat Pentadbiran Persekutuan dan bagi maksud sampingan yang lain:

DAN BAHAWASANYA Persekutuan dan Negeri Selangor telah bersetuju, melalui suatu perjanjian yang dibuat pada 7 November 2000, bahawa kawasan itu, yang kini dikenali sebagai Putrajaya, patut diletakhakkan pada Persekutuan sebagai wilayah persekutuan yang akan dikenali sebagai Wilayah Persekutuan Putrajaya:

MAKA OLEH YANG DEMIKIAN, INILAH DIPERBUAT oleh Parlimen Malaysia seperti yang berikut:

BAHAGIAN I**PERMULAAN****Tajuk ringkas dan permulaan kuat kuasa**

1. (1) Akta ini bolehlah dinamakan Akta Perlembagaan (Pindaan) 2001.

(2) Akta ini hendaklah mula berkuat kuasa pada 1 Februari 2001.

BAHAGIAN II

WILAYAH PERSEKUTUAN PUTRAJAYA

Perubahan sempadan Negeri Selangor

2. (1) Sempadan Negeri Selangor adalah dengan ini diubah dengan mengeluarkan Wilayah Persekutuan Putrajaya sebagaimana yang diperihalkan dalam subseksyen (2).

(2) Wilayah Persekutuan Putrajaya hendaklah terdiri daripada kawasan yang ditunjukkan di dalam pelan yang dikenal pasti dengan merujuk kepada Pelan No. P.P. 2-2000—

- (a) yang disediakan oleh Pengarah Ukur dan Pemetaan, Selangor;
- (b) yang ditarik dan diperakui sebagai pelan yang benar dan betul mengenai kawasan itu oleh Pengarah Ukur dan Pemetaan, Selangor; dan
- (c) yang disimpan di pejabat Pengarah Ukur dan Pemetaan, Selangor, bersekali dengan dokumen yang menunjukkan koordinat yang digunakan dalam menyediakan pelan itu.

(3) Sempadan dan kawasan Wilayah Persekutuan Putrajaya sebagaimana yang ditunjukkan di dalam pelan yang disebut dalam subseksyen (2) hendaklah menjadi keterangan muktamad mengenai sempadan dan kawasan Wilayah Persekutuan Putrajaya.

Wilayah Persekutuan Putrajaya dikeluarkan dari Selangor

3. Kawasan yang diperihalkan dalam seksyen 2 tidak lagi menjadi sebahagian daripada Negeri Selangor dan Raja Negeri Selangor hendaklah melepaskan dan tidak lagi boleh menjalankan apa-apa kedaulatan terhadap kawasan itu dan segala kuasa dan bidang kuasa Raja dan Dewan Undangan Negeri Selangor di dalam atau berkenaan dengan kawasan itu hendaklah berakhir.

Bidang kuasa terhadap Wilayah Persekutuan Putrajaya

4. Persekutuan hendaklah menjalankan kedaulatan terhadap Wilayah Persekutuan Putrajaya dan segala kuasa dan bidang kuasa di dalam atau berkenaan dengan Wilayah Persekutuan Putrajaya hendaklah terletak hak pada Persekutuan.

Peletakhakan tanah di dalam Wilayah Persekutuan Putrajaya

5. (1) Seluruh hak harta mengenai dan kawalan ke atas segala tanah di dalam kawasan yang diperihalkan dalam seksyen 2 yang sebaik sebelum permulaan kuat kuasa Akta ini telah terletak hak pada Negeri Selangor atau pada mana-mana orang atau pihak berkuasa bagi pihaknya, dan segala mineral dan bahan batu di dalam atau di atas mana-mana tanah di dalam kawasan itu yang hak ke atasnya belum lagi dilupuskan dengan khusus hendaklah, apabila Akta ini mula berkuat kuasa, tanpa apa-apa pindah hakmilik atau pindah hak, terletak hak semata-mata pada Persekutuan dan boleh dilupuskan atau diuruskan mengikut Kanun Tanah Negara [Akta 56/65], Enakmen Mineral (Selangor) 2000 [Sel. En. No. 1/2000] dan Akta Perhutanan Negara 1984 [Akta 313] sebagaimana yang dipinda atau diperbuat semula dari semasa ke semasa.

(2) Segala hak kepunyaan dan kepentingan mengenai apa-apa tanah, hak melombong dan hak hutan di dalam kawasan yang diperihalkan dalam seksyen 2 yang dipegang oleh mana-mana orang daripada Negeri Selangor sebaik sebelum permulaan kuat kuasa Akta ini hendaklah terus dipegang daripada Persekutuan atas terma-terma dan syarat-syarat yang sama seperti yang telah dipegang daripada Negeri Selangor.

Keberterusan undang-undang yang sedia ada, dll.

6. (1) Segala undang-undang bertulis, termasuk undang-undang yang dinyatakan dalam subseksyen 5(1), selain Undang-Undang Tubuh Kerajaan Negeri Selangor, yang sedia ada dan berkuat kuasa di dalam kawasan yang diperihalkan dalam seksyen 2 sebaik sebelum permulaan kuat kuasa Akta ini hendaklah terus berkuat kuasa di dalam Wilayah Persekutuan Putrajaya sehingga dimansuhkan, dipinda atau digantikan oleh Parlimen atau

dimansuhkan di bawah seksyen 7 atau, dalam hal perundangan subsidiari, dibatalkan, dipinda atau digantikan oleh pihak berkuasa yang diberi kuasa di bawah mana-mana undang-undang bertulis untuk membatalkan, meminda atau menggantikan perundangan itu.

(2) Jika apa-apa kuasa atau fungsi terletak hak pada Raja Negeri Selangor atau pada mana-mana pihak berkuasa Negeri Selangor menurut mana-mana undang-undang yang disebut dalam subseksyen (1), maka kuasa atau fungsi itu berhubung dengan Wilayah Persekutuan Putrajaya adalah terletak hak pada dan boleh dijalankan atau dilaksanakan oleh Yang di-Pertuan Agong atau Menteri yang bertanggungjawab bagi Wilayah Persekutuan Putrajaya atau mana-mana orang atau pihak berkuasa lain yang diarahkan oleh Yang di-Pertuan Agong melalui perintah.

(3) Walau apa pun subseksyen (2), Yang di-Pertuan Agong boleh dengan persetujuan Pihak Berkuasa Negeri Selangor, melalui perintah, mengarahkan bahawa mana-mana kuasa atau fungsi itu boleh dijalankan atau dilaksanakan bagi pihak Persekutuan oleh pihak berkuasa Negeri Selangor yang padanya kuasa atau fungsi itu terletak hak sebaik sebelum permulaan kuat kuasa Akta ini; dan selagi arahan itu masih berkuat kuasa, pihak berkuasa Negeri Selangor itu hendaklah, berkenaan dengan penjalanan atau pelaksanaan kuasa atau fungsi itu, disifatkan sebagai pihak berkuasa Persekutuan.

(4) Yang di-Pertuan Agong boleh, apabila didapatinya perlu atau suaimanfaat untuk berbuat demikian bagi maksud menghapuskan kesulitan oleh sebab lulusnya Akta ini, melalui perintah, membuat apa-apa ubahsuaian yang difikirkannya patut kepada mana-mana peruntukan dalam mana-mana undang-undang bertulis yang disebut dalam subseksyen (1).

Perluasan perundangan yang berkuat kuasa di Wilayah Persekutuan Kuala Lumpur

7. Apabila dan selepas Akta ini mula berkuat kuasa, mana-mana undang-undang bertulis yang hanya berkuat kuasa di Wilayah Persekutuan Kuala Lumpur boleh, melalui perintah Yang di-Pertuan Agong, diperluas ke Wilayah Persekutuan Putrajaya dengan atau tanpa ubahsuaian, dan mana-mana perintah sedemikian boleh

mengad
undang
pemaka

Pewari

8. (1) apa-apa ini mer yang pa hendak diperset Negeri

(2) apa lia subseks ini dip Selango Perseku liabiliti Kumpu atau ob liabiliti Kumpu

(3) pihak y selain mempe hak, lia kuasa maksu tetapi Persek

Pewar

9. (1) sivil y ini her

mengadakan peruntukan bagi pemansuhan mana-mana undang-undang bertulis yang disebut dalam subseksyen 6(1) dalam pemakaiannya bagi Wilayah Persekutuan Putrajaya.

Pewarisan hak, liabiliti dan obligasi

8. (1) Segala hak, liabiliti dan obligasi yang berhubungan dengan apa-apa perkara yang sebaik sebelum permulaan kuat kuasa Akta ini merupakan tanggungjawab Kerajaan Negeri Selangor tetapi yang pada hari itu menjadi tanggungjawab Kerajaan Persekutuan, hendaklah pada hari itu turun kepada Persekutuan, melainkan jika dipersetujui selainnya antara Kerajaan Persekutuan dengan Kerajaan Negeri Selangor.

(2) Jika apa-apa wang yang dikehendaki dibayar menurut apa-apa liabiliti atau obligasi sebagaimana yang disebut dalam subseksyen (1) telah sebaik sebelum permulaan kuat kuasa Akta ini dipertanggungkan pada Kumpulan Wang Disatukan Negeri Selangor, maka, setakat yang liabiliti atau obligasi itu turun kepada Persekutuan pada hari itu, wang yang dikehendaki bagi pembayaran liabiliti atau obligasi itu hendaklah menjadi suatu tanggungan pada Kumpulan Wang Disatukan Persekutuan, tetapi setakat yang liabiliti atau obligasi itu terus menjadi tanggungjawab Negeri Selangor liabiliti atau obligasi itu hendaklah terus dipertanggungkan pada Kumpulan Wang Disatukan Negeri Selangor.

(3) Peguam Negara hendaklah, atas permohonan mana-mana pihak yang berkepentingan dalam apa-apa prosiding undang-undang, selain prosiding antara Persekutuan dengan Negeri Selangor, memperakukan sama ada apa-apa hak, liabiliti atau obligasi ialah hak, liabiliti atau obligasi Persekutuan atau Negeri Selangor menurut kuasa seksyen ini; dan apa-apa perakuan sedemikian adalah bagi maksud prosiding itu muktamad dan mengikat semua mahkamah, tetapi tidaklah berkuat kuasa untuk menjejaskan hak dan obligasi Persekutuan dan Negeri Selangor sesama mereka.

Pewarisan prosiding sivil

9. (1) Dalam mana-mana prosiding berhubung dengan perkara sivil yang belum selesai pada tarikh permulaan kuat kuasa Akta ini hendaklah dibuat apa-apa penggantian satu pihak dengan pihak

yang lain sebagaimana yang perlu untuk mengambil kira apa-apa pemindahan bidang kuasa atau kuasa eksekutif atau apa-apa pemindahan hak, liabiliti atau obligasi di bawah Akta ini pada hari itu.

(2) Apa-apa rayuan yang dibawa pada atau selepas tarikh permulaan kuat kuasa Akta ini terhadap sesuatu keputusan yang diberikan dalam apa-apa prosiding undang-undang sebelum hari itu boleh dibawa oleh atau terhadap pihak yang sepatutnya, menurut kuasa subseksyen (1), menjadi perayu atau responden jika prosiding itu telah diteruskan selepas hari itu, tetapi, jika tidak dibawa sedemikian, subseksyen (1) hendaklah terpakai baginya sebagaimana subseksyen itu terpakai bagi prosiding yang belum selesai pada hari itu.

(3) Subseksyen (2) hendaklah terpakai dengan ubahsuaian yang perlu bagi prosiding untuk mendapatkan kebenaran untuk merayu sebagaimana subseksyen itu terpakai bagi rayuan.

(4) Peguam Negara hendaklah, atas permohonan sesuatu pihak kepada apa-apa prosiding, memperakukan sama ada apa-apa penggantian satu pihak dengan pihak yang lain patut dibuat menurut kuasa subseksyen (1), (2) dan (3) dalam prosiding itu atau bagi maksud apa-apa rayuan yang berbangkit daripadanya, dan jika patut apakah penggantian yang patut dibuat; dan mana-mana perakuan sedemikian adalah, bagi maksud prosiding itu atau apa-apa rayuan sedemikian, muktamad dan mengikat semua mahkamah, tetapi tidaklah berkuat kuasa untuk menjejaskan hak dan obligasi Persekutuan dan Negeri Selangor sesama mereka.

Keberterusan fungsi Perbadanan Putrajaya

10. (1) Tertakluk kepada subseksyen (2), apa-apa ubahsuaian yang dibuat di bawah subseksyen 6(4) dan apa-apa perintah yang dibuat di bawah seksyen 7, apabila Akta ini mula berkuat kuasa dan sehingga Parlimen memperuntukkan selainnya melalui undang-undang, Perbadanan Putrajaya yang ditubuhkan di bawah Akta Perbadanan Putrajaya 1995 [Akta 536]—

(a) hendaklah terus mempunyai dan menjalankan dan melaksanakan segala kuasa dan kewajipan di Wilayah Persekutuan Putrajaya yang boleh dijalankan olehnya atau

dikehendaki supaya dilaksanakan olehnya di bawah Akta itu dan apa-apa undang-undang bertulis yang lain; dan

- (b) hendaklah mempunyai, boleh menjalankan dan hendaklah melaksanakan semua kuasa dan kewajipan pihak berkuasa tempatan di bawah Akta Kerajaan Tempatan 1976 [Akta 171] dan Akta Jalan, Parit dan Bangunan 1974 [Akta 133] atau pihak berkuasa perancang tempatan di bawah Akta Perancangan Bandar dan Desa 1976 [Akta 172].

(2) Walau apa pun peruntukan Akta Perbadanan Putrajaya 1995, dua orang yang dinamakan oleh Menteri Besar Selangor dengan perkenan Raja Negeri Selangor hendaklah menjadi—

- (a) anggota Perbadanan Putrajaya; atau
- (b) anggota mana-mana badan lain, dengan nama apa jua badan itu dikenali, yang menggantikan Perbadanan Putrajaya sebagai pihak berkuasa pentadbiran atau pihak berkuasa tempatan Wilayah Persekutuan Putrajaya; atau
- (c) jika Perbadanan itu digantikan dengan suatu perbadanan seorang sebagai pihak berkuasa pentadbiran atau pihak berkuasa tempatan Wilayah Persekutuan Putrajaya, anggota mana-mana badan penasihat yang ditubuhkan bagi maksud perbadanan sedemikian.

BAHAGIAN III

PINDAAN DAN PEMAKAIAN PERUNTUKAN TERTENTU PERLEMBAGAAN PERSEKUTUAN BERKENAAN DENGAN WILAYAH PERSEKUTUAN PUTRAJAYA

Pindaan Perkara 1

11. Perkara 1 Perlembagaan Persekutuan dipinda dengan menggantikan Fasal (4) dengan Fasal yang berikut:

“(4) Wilayah Negeri Selangor tidak termasuk Wilayah Persekutuan Kuala Lumpur yang ditubuhkan di bawah Akta Perlembagaan (Pindaan) (No. 2) 1973 [Akta A206] dan Wilayah

Persekutuan Putrajaya yang ditubuhkan di bawah Akta Perlembagaan (Pindaan) 2001 [Akta A1095] dan wilayah Negeri Sabah tidak termasuk Wilayah Persekutuan Labuan yang ditubuhkan di bawah Akta Perlembagaan (Pindaan) (No. 2) 1984 [Akta A585], dan semua Wilayah Persekutuan itu hendaklah menjadi wilayah-wilayah Persekutuan.”

Pindaan Perkara 3

12. Perkara 3 Perlembagaan Persekutuan dipinda dalam Fasal (5) dengan menggantikan perkataan “Kuala Lumpur dan Labuan” dengan perkataan “Kuala Lumpur, Labuan dan Putrajaya”.

Pindaan Perkara 11

13. Perkara 11 Perlembagaan Persekutuan dipinda dalam Fasal (4) dengan menggantikan perkataan “Kuala Lumpur dan Labuan” dengan perkataan “Kuala Lumpur, Labuan dan Putrajaya”.

Pindaan Perkara 42

14. Perkara 42 Perlembagaan Persekutuan dipinda—

- (a) dalam Fasal (1), (2) dan (10), dengan menggantikan perkataan “Kuala Lumpur dan Labuan” dengan perkataan “Kuala Lumpur, Labuan dan Putrajaya”;
- (b) dalam Fasal (3), dengan menggantikan perkataan “Wilayah Persekutuan Kuala Lumpur atau Wilayah Persekutuan Labuan, mengikut mana-mana yang berkenaan,” dengan perkataan “Wilayah Persekutuan Kuala Lumpur, Wilayah Persekutuan Labuan dan Wilayah Persekutuan Putrajaya,”; dan
- (c) dalam Fasal (11), dengan menggantikan perkataan “Wilayah Persekutuan Kuala Lumpur dan Wilayah Persekutuan Labuan” di mana-mana jua terdapat dengan perkataan “Wilayah-Wilayah Persekutuan Kuala Lumpur, Labuan dan Putrajaya”.

Pindaan Perkara 45

15. Perkara 45 Perlembagaan Persekutuan dipinda dalam Fasal (1) dengan menggantikan perenggan (aa) dengan perenggan yang berikut:

“(aa) dua orang ahli bagi Wilayah Persekutuan Kuala Lumpur, seorang ahli bagi Wilayah Persekutuan Labuan dan seorang ahli bagi Wilayah Persekutuan Putrajaya hendaklah dilantik oleh Yang di-Pertuan Agong; dan”.

Pindaan Perkara 46

16. Perkara 46 Perlembagaan Persekutuan dipinda—

(a) dalam Fasal (1), dengan menggantikan perkataan “sembilan puluh tiga” dengan perkataan “sembilan puluh empat”; dan

(b) dalam Fasal (2), dengan menggantikan perenggan (b) dengan perenggan yang berikut:

“(b) dua belas orang ahli dari Wilayah-Wilayah Persekutuan Kuala Lumpur, Labuan dan Putrajaya seperti yang berikut:

(i) sepuluh orang ahli dari Wilayah Persekutuan Kuala Lumpur;

(ii) seorang ahli dari Wilayah Persekutuan Labuan;

(iii) seorang ahli dari Wilayah Persekutuan Putrajaya.”.

Pindaan Perkara 89

17. Perkara 89 Perlembagaan Persekutuan dipinda dalam Fasal (8)—

(a) dengan menggantikan perkataan “terpakai bagi Wilayah Persekutuan Kuala Lumpur” dengan perkataan “terpakai bagi Wilayah-Wilayah Persekutuan Kuala Lumpur dan Putrajaya”;

- (b) dengan menggantikan perkataan “pemakaiannya bagi Wilayah Persekutuan Kuala Lumpur” dengan perkataan “pemakaiannya bagi Wilayah-Wilayah Persekutuan Kuala Lumpur dan Putrajaya”; dan
- (c) dengan memasukkan selepas perkataan “di dalam Wilayah Persekutuan Kuala Lumpur” perkataan “atau Wilayah Persekutuan Putrajaya”.

Pindaan Perkara 97

18. Perkara 97 Perlembagaan Persekutuan dipinda dalam Fasal (3) dengan menggantikan perkataan “Kuala Lumpur dan Labuan” dengan perkataan “Kuala Lumpur, Labuan dan Putrajaya”.

Pindaan Perkara 113

19. (1) Perkara 113 Perlembagaan Persekutuan dipinda dalam Fasal (6) dengan menggantikan perkataan “Wilayah Persekutuan Kuala Lumpur dan Wilayah Persekutuan Labuan” dengan perkataan “Wilayah-Wilayah Persekutuan Kuala Lumpur, Labuan dan Putrajaya”.

(2) Apabila Akta ini mula berkuat kuasa, kawasan yang menjadi Wilayah Persekutuan Putrajaya tidak lagi menjadi sebahagian daripada bahagian pilihan raya Negeri, tetapi sehingga pembubaran Dewan Undangan Negeri Selangor yang berikutnya selepas permulaan kuat kuasa Akta ini, ahli Dewan Undangan itu yang dilantik dari bahagian pilihan raya itu hendaklah, walaupun kawasan itu telah dikeluarkan dari bahagian pilihan raya itu, terus menjadi ahli Dewan Undangan itu.

(3) Sehingga pembubaran Parlimen yang berikutnya selepas permulaan kuat kuasa Akta ini, bahagian pilihan raya persekutuan yang di dalamnya termasuk kawasan yang menjadi Wilayah Persekutuan Putrajaya hendaklah terus wujud dan ahli yang dipilih dari bahagian pilihan raya itu hendaklah terus menjadi ahli Parlimen.

Pindaan

20. Jadua

(a)

(b)

Pindaan

21. Jadua dalam sek Persekutu perkataan Putrajaya

Pindaan Jadual Kesembilan

20. Jadual Kesembilan kepada Perlembagaan Persekutuan dipinda—

(a) dalam Senarai Persekutuan—

(i) dalam subbutiran 6(e), dengan menggantikan perkataan “Kuala Lumpur dan Labuan” dengan perkataan “Kuala Lumpur, Labuan dan Putrajaya”; dan

(ii) dalam butiran 27, dengan menggantikan perkataan “dengan Wilayah Persekutuan” dengan perkataan “dengan Wilayah-Wilayah Persekutuan”; dan

(b) dalam Senarai Negeri, dalam butiran 1, 2, 3, 4 dan 5, dengan menggantikan perkataan “Kuala Lumpur dan Labuan” dengan perkataan “Kuala Lumpur, Labuan dan Putrajaya”.

Pindaan Jadual Ketiga Belas

21. Jadual Ketiga Belas kepada Perlembagaan Persekutuan dipinda dalam seksyen 3A dengan menggantikan perkataan “atau Wilayah Persekutuan Labuan, mengikut mana-mana yang berkenaan,” dengan perkataan “, Wilayah Persekutuan Labuan dan Wilayah Persekutuan Putrajaya”.